



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 13. Alphonsus Messinam se recipiens moritur.

[urn:nbn:de:hbz:466:1-67025](https://nbn-resolving.de/urn:nbn:de:hbz:466:1-67025)

teas equo vehebatur, ac caput regio Sæcul. XV.
diadematè redimitus, medius inter Fri- A.C. 1495
dericum de Arragonia ejus Patruum, & ~~Cardinalis~~
Cardinalem Fregosium incedebat, Nea-
politanis Proceribus, qui in ejus obse-
quio perstiterant, illum comitantibus.
Post hæc omnes regni Ordines novo Re-
gi fidei Sacramentum exsolvunt, atque
in eum supremas regni curas transferunt,
consensu adeo unanimi, ut Pater ejus
haud amplius vita superstes esse videretur.

§. XIII.

*Alphonsus Messinam se recipiens
moritur.*

Vix absoluta inaugurationis pompa, *Comm. l. 7.*
Alphonsus insalutato hospite Neapo- c 11 p 54.
li excessit; Gallorum enim metu adactus *Paul. Jov.*
fugæ consilium tam religioso pressit silen- ub. 4.
tio, ut soli Joannæ Reginæ Novercæ *Guicci. lib. I.*
suæ, quæ Regis Catholici soror erat, rem
communicasset. Tantum ipse in suo di-
fcessu pavorem præferebat, ut ad om-
nem strepitum Gallos adesse, eosque si-
bi imminere noctu evigilans exclamaret,
ne non decidentia arborum folia, imo &
lapidum moles, ac obvia quæque terro-
rem ejus novis incrementis augerent:
Raptim ergo quatuor triremibus exigua-
supellectili regia oneratis, Marsaram in
Sicilia navigat, quod oppidum Castellæ

B 2

&

Sæcul. XV. & Arragoniæ Reges Joannæ Reginæ
A.C. 1495. dono dederant. Inde Messinam se recipiens, in cænobio Olivetanorum emisso religionis voto severissimam (ut fertur) vitam duxit, ibidemque diurnis æque, ac nocturnis laudibus unacum Religiosis assidue vacavit, magnasque elemosynas egentibus impertivit, sicque ante actæ vitæ piacula pietatis ac virtutum officijs reparavit. Legitur hodie dum in cænaculo Monasterii, ad quod confugerat, sequens inscriptio latinis verbis concepta: „Alphonso Arragonio hujus no-
„minis secundo, Regi justissimo, invi-
„ctissimo, ac maxime liberali, in grati-
„animi signum pro specialibus ab eo re-
„ceptis beneficiis, atque ad conservan-
„dam memoriam, quod idem Rex, ab-
„dicato regno, cum illis commorari,
„in eadem mensa convivari, ac Dei fa-
„mulis inservire, sacris lectionibus affi-
„due vacans dignatus esset, Religiosi
„Olivetani posuere. „

Nec diu tamen sacro hoc otio frui Alphonso licuit; morbo enim calculi, ac superveniente cutis revulsione confectus, sub vehementissimis doloribus, quos summa patientia pertulit, exeunte hoc anno animam efflavit.

§. XIV.

